


清·方略館 編

清代 方略 全書

北京圖書館出版社





清代方略全書

一六四

清·方略館編

北京圖書館出版社

清·奕訢等撰

欽定剿平捻匪方略

卷二四二——二五二

清同治十一年（一八七二）鉛印本

欽定剿平捻匪方略卷二百四十二 乙丑



七月初三日 乙丑

上命軍機大臣傳諭曾國藩劉蓉王榕吉曰捻逆馬
隊頗多行蹤飄忽曾國藩前奏扼要設防分道兜
剿務使該匪東出西沒皆不能出吾網羅之外深
得致人而不致於人之法現在該匪分竄豫境南
股已抵淮甯西股徑趨襄郟雖經陳國瑞張曜等

督勇追剿恐難遏截兇鋒晉省完善之區並無得
力勁旅設被竄擾關繫匪輕著曾國藩速派劉銘
傳等軍循河西上酌量水陸兩路孰爲便捷馳赴
洛陽以西一帶扼要駐紮與秦晉防兵聯絡聲勢
相機防剿俾賊不得分竄擾及完善劉蓉王榕吉
各宜懷遵疊次諭旨督飭將弁嚴密防剿毋得稍
有疏虞自取罪戾曾國藩是否回駐徐郡皖豫各

軍若何布置所謂馬步各隊曾否齊赴豫境追躡賊蹤該大臣務當隨時馳奏以慰廑念

初五日丁卯護理山西巡撫布政使王榕吉奏言

皖捻竄豫晉省潞澤邊境自當節節嚴防現在臬司鍾秀回省接署藩司擬卽派署冀甯道鄧裕生前往接辦免致日久生懈潞澤以西封門口東灘渡及平陸縣之茅津渡永濟縣之風陵

渡中閒大小數十口綿亙六百餘里與陝西之
潼關河南之靈寶閭鄉陝州均祇一河之隔如
必處處添設重兵不惟無此兵力實亦無此餉
需防禦之策總以多設礮位爲勝算茲於省垣
礮局中擇其堅利可致遠者共得銅鐵礮位二
百尊挑選礮兵六百名派中軍參將恩瑞押運
河干分段安設復於安礮處所堅築土壘俾兵

勇得以護身卽使賊衆麕至以礮拒敵軍心亦
可穩固至河南濟源縣所屬之封門口地居要
害現將遼州防兵五百名改撥封門口駐紮與
東灘渡防兵互相犄角仍請

旨飭下河南撫臣派兵協守免致客兵孤懸又太原
大同兩鎮擬再各調官兵五百名前赴沿河扼
紮統歸太原鎮和昌調度並飛咨河東道楊寶

臣馳往垣曲等縣會同和昌激勵文武紳練各
固藩籬風陵渡爲西南入晉門戶卽責成蒲州
府知府李慶翱管帶練勇與副將王巨孝協力
固守奏入

上命軍機大臣傳諭吳昌壽王榕吉曰山西潞澤一
帶自封門口東灘渡以及平陸縣之茅津渡永濟
縣之風陵渡大小數十口綿亙六百餘里與陝西

之潼關河南之靈閔陝州均祇一河之隔王榕吉
現撥銅鐵礮二百尊挑選礮兵六百名派參將恩
瑞押運河干分段安設並於安礮處所堅築土壘
俾兵勇得以護身所籌尙合機宜卽著督飭鄧裕
生及恩瑞等妥籌布置不得有名無實徒託空言
並著王榕吉檄飭楊寶臣馳往垣曲等處會同和
昌激勵兵團認真防守風陵渡爲西南入晉門戶

並著責成李慶翱王巨孝等協力嚴防不得稍有
疏失至濟源縣之封門口地居要害王榕吉已撥
遼州防兵五百名前往駐守吳昌壽亦當酌派勁
兵協同守禦毋令客兵孤懸新調山西按察使陳
湜不日卽可到晉所有晉省防務王榕吉務當與
之熟籌妥辦俾免疏虞

同日山東道監察御史朱鎮奏言捻匪張總愚

任柱牛洛紅陳大禧等股糾約賴汶洸於三月初三四等日由河南考城竄入山東曹州兗州泰安各府屬旋入江南贛榆縣境內四月初四日復回竄山東鄒城縣境僧格林沁盡力追剿而山東撫臣閻敬銘安坐省城並不發兵守隘任賊奔突致使僧格林沁遇伏陣亡藩司丁寶楨擁兵數千賊於三月初三日卽入東境丁寶

植於十五日後始帶兵出省行至蘭山縣境聞賊已竄入江南並不擇要駐紮遏賊歸路輒卽折回濟南聲言防堵其實離賊甚遠始終未與賊遇且縱令兵勇淫掠焚擄以致民怨沸騰現在捻逆雖已竄回安徽老巢恐不旋踵復回竄東境如閻敬銘之怯懦無能丁寶楨之養勇貽害非特不能合力剿除且恐貽誤大局相應請

旨卽予嚴譴以勵軍心再山東鄒城縣西楊家圩於
三月二十日被賊攻陷殺戮之慘所不忍言該
並縣知縣周士溥並不督率兵勇力爲援救實屬
不顧大局應請

飭下統兵大臣嗣後遇團圩被陷地方官坐視不救

者卽行嚴叅懲處奏入

上命軍機大臣傳諭曾國藩曰御史朱鎮奏稱張總

愚等股由河南竄入東境旋擾江南贛榆復回竄
山東鄒城境僧格林沁盡力追剿閻敬銘安坐省
城並不發兵守隘任賊奔突致該大臣遇伏陣亡
藩司丁寶楨帶勇出省行至蘭山縣聞賊竄江南
並不擇要駐紮遏賊歸路輒卽折回嗣後出省防
堵離賊甚遠始終未與賊遇並縱令兵勇淫掠焚
搶各等語如果屬實殊負委任卽著曾國藩按照

所叅各節確切查明據實具奏毋稍徇隱郟城縣知縣周士溥於賊匪攻撲楊家圩時並不督率兵勇力爲援救以致被匪攻陷肆行殺戮情殊可恨著該督一併查明叅辦擒匪由皖北竄擾豫境近日賊匪情形並勦辦機宜久未據該大臣奏報並著迅速馳奏以慰廑繫本日據王榕古奏到籌防情形復諭吳昌壽派兵會同山西防兵聯絡堵剿

惟山西兵力單弱著曾國藩飭劉銘傳等軍馳赴豫省西北一帶繞出賊前擇要堵禦以固秦晉之防

初九日

辛未

官文鄭敦謹奏言據探皖豫各軍於

六月初四日將匪擊退立解雒河之圍逆衆分股狂奔一由太和南竄欲圖入楚一由鹿邑許州一路向西挺走擾至襄城葉縣駸駸有南趨